



Broj: 08-40-589-35/20
Datum: 15.04.2020. godine

Povodom novinarske vijesti koju je objavila Radio televizija Velika Kladuša, da je dana 14.04.2020. godine Kolegij Općinskog vijeća Općine Velika Kladuša održao sjednicu na kojoj je raspravljao o situaciji izazvanoj koronavirusom i donio odluku da uputi inicijativu Štabu CZ USK-a za uspostavljanje karantina na području Općine Velika Kladuša, Općinski štab CZ Velika Kladuša izdaje s l i j e d e ć e,

R E A G I R A N J E

Do danas Općinski štab CZ Velika Kladuša se suzdržavao od reagiranja na određene aktivnosti koje je provodio Kolegij Općinskog vijeća Općine Velika Kladuša od proglašenja stanja elementarne nepogode u našoj Općini izazvane pojavom korona virusa. Međutim imajući u vidu činjenicu da Kolegij Općinskog vijeća u kontinuitetu provodi određene aktivnosti i donosi odluke koje su u isključivoj nadležnosti Općinskog štaba CZ, smatramo opravdanim ukazati na slijedeće:

- Općinski štab CZ Velika Kladuša je legalan i legitiman organ koji je organizovan i ustrojen u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća.
- Od donošenja Odluke Općinskog načelnika o proglašenju stanja prirodne nesreće na području Općine Velika Kladuša u skladu sa svojim zakonskim nadležnostima i ovlaštenjima u stalnom je zasjedanju, te je do danas donio niz akata i mjera koje su bile uslovljene trenutnom epidemiološkom situacijom na području Općine, a o čemu su javnost i drugi nadležni organi blagovremeno informisani.
- Općinski štab CZ Velika Kladuša smatra da aktivnosti Kolegija OV-a na sjednici od 14.04.2020. godine u cjelosti izlaze iz okvira Poslovničkih nadležnosti i ovlaštenja Kolegija i predstavljaju direktno mješanje u rad Općinskog štaba CZ i smišljeno derogiranje osnovnih zakonskih nadležnosti i ovlaštenja Općinskog štaba CZ, a na koji način se bespotrebno zbunjuju građani i javnost.

Pri tome podsjećamo predsjedavajućeg i članove Kolegija OV-a na odredbe člana 18. Poslovnika Općinskog vijeća kojima je regulisana nadležnost Kolegija OV-a, a kojima je propisano da:

„U okviru svojih prava i dužnosti Kolegij vrši slijedeće poslove:

- Koordinira aktivnosti u pripremi sjednice Vijeća,
 - Utvrđuje prijedlog dnevnog reda,
 - Osigurava saradnju Vijeća i Općinske uprave,
 - Utvrđuje prijedlog Programa rada Vijeća i prati njegovu realizaciju,
 - Osigurava saradnju klubova vijećnika i radnih tijela Vijeća,
 - Razmatra inicijative i prijedloge upućene Vijeću“...
- U pogledu odluke koju je Kolegij OV-a na sjednici od 14.04.2020. godine donio u smislu upućivanja inicijative Štabu CZ USK-a za uspostavljanje karantina na području općine Velika Kladuša u sali OŠ „25. novembar“, skrećemo pažnju predsjedavajućem i članovima Kolegija Vijeća, kao i javnosti na činjenicu da je Općinski štab CZ Općine Velika Kladuša, svojim aktom, broj: 08-40-589-27/20, od 13.04.2020. godine zvanično uputio prijedlog Štabu CZ USK-a za uspostavu karantina na lokaciji sportske sale OŠ „25.novembar“ Velika Kladuša, a o čemu je javnost na odgovarajući način i blagovremeno bila informisana.

Pozivamo predsjedavajućeg i članove Kolegija Općinskog vijeća da prestanu sa praksom politiziranja i opstruiranja rada Štaba CZ Velika Kladuša kako se na taj način ne bi bespotrebno zbunjivali i uznemiravali građani Općine Velika Kladuša i šira javnost.

Komandant Općinskog štaba
Refik Tabaković

